



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Catechismvs, Dat is, De Christelijcke leeringhe/ in  
maniere van t'samen-sprekinghe tusschen den Meester  
ende den Discipel**

**Coster, Franciscus**

**T'Antvverpen, 1607**

Wat Sacrament is.

**urn:nbn:de:hbz:466:1-39385**

**Het vierde dat den Christenen  
noodt-sakelijck is / te weten /  
de seuen Sacramenten der  
heyligher Kercken.**

M. Ist ghenoegh totter saligheydt, dat wy de  
thien gheboden Godts, ende de vijue der  
H. Kercken, onder-houden?

D. Neen't: maer om te vercrijghen de gratie  
Godts / ist oock van noode de heylighe Sacra-  
menten t'ontfanghen.

M. Wat is Sacrament?

D. Sacrament is een uytwendigh teecken / van  
Christo in-ghestelt / om te beteekenen de gratie /  
daer deur van hem den mensche ghegheuen.

M. Leght ons dat claerder uyt.

D. Ghelijck in't Sacrament des Doopsels wordt  
de mensche met water ghewasschen. Het welck  
beteekent de inwendighe supueringhe der sielen /  
die daer van Gode deur sijn gratie gheschiedt.

M. Wat verstaet ghy deur dese gratie?

D. Een Goddelijck ende Gheestelijck rieraet on-  
ser sielen / waer deur wy kinderen Godts ende  
erf-ghensaemen des eeuwighs leuens worden.

M. Vercrijghen alle menschen dese gratie, deur  
t'ghebruyck der heyligher Sacramenten?

D. Jae-ly: als sy die / soo't behoort / ende sonder  
beletsel ontfanghen.



M. Wie heeft de Sacramenten in-ghefelt?

D. Gheen mensche/maer Christus alleen/Godt ende mensche: want niemadt en ran teekenen in-ghesetten/deur welcke de gratie ghegeuen wordt/dan den geuer der gratien/die Godt alleen is.

M. Waer-om heeft hy-se in-ghefelt?

D. Om daer in / als in diuersche dooskens / de verdiensten sijner passien te sluyten / tot remedie van vele ende verscheydene gheestelijcke cranckheden der menschen / ende tot diuersche gratien ons noodt-saeckelijck.

M. En cost hy ons sijn gratie, sonder uyt-wendighe teekenen niet gheuen?

D. Ja hy: maer om dat wy menschen zijn/dat is/niet alleen sielen oft gheesten/maer oock lichamen hebben/wilt hy ons sijn gheestelijcke gratien deur lichamelijcke / dat is / uyt-wendighe teekenen gheuen.

M. Waer-om?

D. Om d'ij redenen: Ten eersten / op dat wy sekerder souden zijn van de gratien die wy ontfangen: want sonder eenighe twijfel/wordt ons deur t Sacrament de gratie ghegeuen / ist dat van onsen t'weghen gheen letsel en zij. Ten anderen / op dat wy deur die uyt-wendighe teekenen souden leeren / wat gratie wy in-wendigelijck ontfangen. Ten derden / op dat niet alleen de siele / maer oock het lichaem gheheplight worde.

M. Hoe vele Sacramenten zijndet?

D. Seuen. M. Seght die op.

D. Dit zijn de seuen Sacramenten deur-waers/Doopfel/Doymfel/het Sacrament des outaers: Biechte/ H. Olyf / ende Priesterschap mede/Ten lesten het Houwelijck/ met paps ende brede.

**Van**